

1608/ S360

DE
I N C A R N A T I O N E.

Auctore Comite de MIRABELLO,
Ex Academia Atrebatensi.

1 7 4 6.



1608/5360

D E

EXCARNA TION

André Gaultier de M. de la Roche

Le 10 Mars 1608



De INCARNATIONE.

*Quidam in præsepi Bethleem lustrans miracula,
proprio rationis lumine puerum prædicat Deum : an-
gelus revelat mysterium.*

QUIS puer obscuro jacet, hospes amabilis,
antro ?

Vox sonat excelsum, radiis cœlestibus ar-
dent

Lumina, majestas scintillat regia fronte ;

Proh Superi ! virtus molli nitet insita vultu.

Fallor ! an ætherei sacra panditur aula senatûs ?

Cœlum, terra, mare exultant, gentesque moventur ;

Luna micat pleno, sine nube, argentea cornu ;

Insolitâ rutilat nox stellis : agmina Divûm

Certatim cecinere, Deo super astra resultat.

Summus honor ; docilem jam pax beat incola mun-
dum.

Interea vigilans lux circumfulsit ab alto

Ruricolâs ;



Ruricolas; trepidis vox hæc, Modò natus in urbe
Davidis est Dominus, populi quæ gaudia! Christus.

Præsepi recubat cinctus pro tegmine pannis;

Hoc signum. Mora nulla: ferunt munuscula nato, 15

Simplicibusque hilares onerant cunabula votis;

Simplicibus simplex lætatur honoribus infans.

Eois ingens mox stella coruscat in oris,

Stella ignota prius, nati prænuncia regis.

Agnovere Magi. Solymorum ad mœnia currunt; 20

Scitantur cupidi; fremit urbs, fremit ipse tyrannus;

Et vestigantes puerum, duce fidere, regem,

Bethlemiam subeunt. Matrem natumque jacentes

In fœno, juxtà pecudes, sub frigore brumæ,

Mirantur. Cum thure aurum myrrhamque mini-
strant, 25

Et regem toto prostrati corpore adorant.

Quis vir hic est? gravitas vultum quàm blanda sere-
nat!

Eminet in placida mens recti conscia fronte;

Hæret inexpletum, file, ardescitque tuendo.

Astat digna viro, sub imagine virginis, uxor; 30

Sexum



Sexum animo, socias formâ, virtutibus annos
 Exsuperat : divos oculis pudor afflat honores.
 Par sub sole novum, lecti de millibus ambo,
 Concordes animæ, studiis communibus instant,
 Et pariter flexo venerantur poplite natum. 35
 O amor ! O pietas ! vili puer aureus antro !
 Aut Deus est, similisve Deo ; nam mystica produnt
 Signa Deum. Augustos sit fas agnoscere vultus,
 Totque voluptatum torrente immergere mentem.
 Valles Bethlemiæ, vel quilibet incola cœli, 40
 Dicite, quis tanto ditârit pignore matrem ?
 Ardet terra novi miracula noscere partûs ;
 Nunc opus est, veterum pateant oracula vatum.
 Dicite.—Vox subito suspensas fertur ad aures.
 Virgo mater, ades, divini panditur ortûs. 45
 Mysterium : in gremio tua mira modestia textit
 Emmanuel ; Domini jam nunc ancilla vocari
 Define ; Mater, ades, sine labe puerpera virgo.
 Ecce pudor, rutilo, vindex velut angelus, ore,
 Excubat ante fores, ne quis temerarius intret ; 50
 Sub pedibus victi malefana Cupidinis arma
 Contrivit.

Contrivit. Procul hinc, procul insidiosa libido,
 At bona pax animi, pietas, verumque fidesque
 Sacra triumphali cingunt præsepia pompâ.
 Re stupuit natura novâ: sine conjuge prolem
 Virgo dedit. Latet humana velamine carnis
 Æqua Deo soboles, magnum Patris in incrementum!
 Sidera promisso rotarunt Nūmine terras.
 Quem Pater æternâ fecundus imagine Natum
 Protulit, absque viro circumdat corpore virgo.
 Floret, ut antè suâ rubris igneus, hospita, fronde,
 Matris obumbravit Sacrum præcordia Flamen;
 Et simul æternus, simul est in tempore natus.
 Hic celsæ, fileant gentes, vis ultima dextræ.
 Est sine matre Deus, verus puer, unius utrumque;
 Est sine patre puer, verus Deus, unius utrumque.
 Inconfusa tamen pueri natura Deique
 Constat, & affinis proprios habet utraque motus.
 Signa dabo, si parva licet componere magnis.
 Ut sol aurorâ exoritur, sic virgine natus;
 Hæc tamen usque viget radiis, viget illa pudore.
 Ut cum vernat humus, primoque resolvitur æstu,

Inviolata

Inviolata tument tepefacto lilla rore;
 Sic puerum vernis paritura Maria sub annis,
 Illibata sacro stupuit se Numine foetam. 75
 Ut rosa fragranti, quem spirat, odore decorem
 Nobilitat, Zephyrumque sinu intemerata recondit;
 Sic virgo succensa Dei, quem spirat, amore
 Pura magis, fovet illabens in viscera Flamen.
 Illa, licet fata sit regali sanguine Judæ, 80
 Non gemmis radiat, non auri dote superbit:
 Gaza puer, diadema fides, insignia candor,
 Sceptrum religio: divini ad præmia partûs
 Evexit, quâ fit sibi vilior, unica virtus.
 Nec vir hic est genitor, sponso quo justior alter 85
 Nemo fuit; genitrix est credita, creditus infans.
 Fratris more colit sponsam, genitoris alumnum.
 Fulsit inocciduus tenebroso Lucifer orbe,
 Christus adest. Sensit latitans in virgine Verbum
 Nuncius, exsiliens materno ventre, Joannes. 90
 Christus adest. Nec stella Magos præfaga fefellit:
 Ut Deus est, & rex, & homo, dat odora Sabæus
 Thura Deo; reges Arabum dant aurea regi
 Pondera;

Pondera ; dant homini lacrymosæ vascula myrrhæ.

Jam patitur : Rex stratus humi, licet altior astris, 95

Alget inops, propriâ hospitium tellure negatur.

Cui polus est sedes, cui sol famulatur & orbis,

Est præsepe thronus, pecus affecla, purpura panni.

Vir factus, graviora luet pro fontibus obses,

Unum pro populo dabitur caput, hostia JESUS. 100

F I N I S.

